



પોસાહને માટે બાઇબલ ભેટ

જદવ પરમેશ્વરની આખાં બનવાં



લીખનાર: Edward Hughes
સાંગનાર: Byron Unger; Lazarus

ભાષાતર કરનાર: Tumbda Prabhubhai Manakiyabhai
અપનાવનાર: Bob Davies; Tammy S.

૬૦ ની ૧ વાર્તા

www.M1914.org

Bible for Children, PO Box 3, Winnipeg, MB R3C 2G1 Canada

લાયસન: જાંવ સુધી તુમી ઇકુલા ની માગા તાંવ સુધી તુમની સત્તા આહા કા
તુમી યી વાર્તા છાપી અન નકલ કરી સકા.

કુકણા

Kukna

આપાલા કોની બનવાં? પરમેશ્વરના વચન, બાઇબલ સાંગહ
કા માનસાની જાતિ કીસીક બનનેલ. ખુબ પુડ, પરમેશ્વરની
એક પુડલા માનુસ બનવાં અન તેના નાંવ આદમ થેવા.

પરમેશ્વરની આદમ લા દુનિયાને ધૂળ માહુન બનવેલ.

જદવ પરમેશ્વરની આદમ લા જીવ દીદા, તદવ તેમાં

જીવ આના. તેની પોતાલા એક

વાડી જેનાં નાંવ એદન


હતાં તેમાં હેરાં.



1

આદમલા પરમેશ્વરની બનવાં તેને પુડ, તેની ખુબ
ચાંગલા જગત જેમાં અદભુત વસ્તુ બનવેત. કમ ને હિસાબે
પરમેશ્વરની ડોંગરાવાળી જાગા અન ઘાંસચારાવાળી જાગા,
સુગંધવાળા ફૂલાં અન ઊંચા ઝાડાં, રૂપાળાં પાંખવાળાં પક્ષી
અન ગણગણતી માખી, વાહિયાત વ્હેલ અન ચીકને ગોકુળ
ગાય બનવાંત.

હકીકતમાં ત પરમેશ્વરની
આખાં જ બનવાં, જઠ
આખાં જ આહા.




2

શરૂવાતમાં પરમેશ્વરની કાંહી બનવાં
તેને પુડ, પરમેશ્વર સિવાય કાહી જ
નીં હતાં. માનસાં, જાગા કા વસ્તુ
કાહી જ નીં હતાં. કાહી જ નીં. ઉજેડ
નિહિં કા આંદારાં નીં. ઊંયા નીં
કા નીયાં નીં. કાલદિસ
નીં કા ઉદેના દિસ નીં.
તઠ ફક્ત પરમેશ્વર જ
હતાં, જેની શરૂવાત
નીં હતી. માગુન
પરમેશ્વરની કામ કેં.
શરૂવાતમાં પરમેશ્વરની
આકાશ અને પૃથ્વી બનવાં.




3

અન પૃથ્વી રૂપ વગરની
અન અસ્તવ્યસ્ત હતી. તેને
આંત ને વર આંદારા
ભરાયજેલ હતાં.
તદવ પરમેશ્વરની
સાંગા; “તઠ
ઉજેડ હુય.”




4

અન તઠ ઉજેડ હુયના. પરમેશ્વરની ઉજેડ લા દિસ સાંગાં અન
આંદારલા તેની રાત સાંગી. અન સાંજ અન સવાર હૂયનાં જો
પુડલા (પહેલા) દિસ સાંગાયના.




5

દૂસરે દિસી પરમેશ્વરની સમુદ્ર, દરે, અન તળાવ લા અનુક્રમ
પ્રમાણે આકાશ ને ખાલ ગોઠવાં. તીજા દિસી પરમેશ્વરની
સાંગાં “અઠ સૂકી જમીન દીસ.” અન તીસાં હૂયનાં.



6

પરમેશ્વરની ઘાંસ અન ફૂલાં અન વનસ્પતિ અન ઝાડાં સાહલા
દીસુલા આજ્ઞા કરી. અન તેં દીસનાત. અન સાંજ
અન સવાર હૂયનાં જો તીજા દિસ.




7

માગુંન પરમેશ્વરની સુરજ (સુરે), અન
ચાંદ, અન કોની ગણી ની સક હોડાં
ખુબ તારા બનવાંત. અન સાંજ અન
સવાર હૂયનાં જો ચોથા દિસ.




8

દરે ના જીવ જંતુ અન માસાં અન પક્ષી પરમેશ્વરની યાદી માં યેને માંગુન હતાંત. પાંચમે દીસી તેની ધારવાળા માસાં અન બારીકલા માસાં, લાંબા પાંચવાળા શાહમૃગ અન આનંદિત રંગ બે રંગી પક્ષી બનવાંત. પરમેશ્વરની દરેક જાતના માસાં પાની લા ભરૂલા અન દરેક જાતના પક્ષી જમીન વર અન આકાશમાં અન જુગ માં આનંદ લેવલા બનવાંત. અન સાંજ અન સવાર હૂયનાં પાંચમા દિસ.



9

તેને માંગુન દેવ આજુ બોલના, તેની સાંગાં, “આતાં ધરતી જીવતા જાનવર બાહેર લય...” દરેક જાતના જાનવર અન જંતુ અન પોટી ચાલનાર સાપ હૂયનાત. જમીન હિલવી દેત તીસા હાથી અન રૂંવાટી વાળા જાનવર હૂયનાત. તોફાન કરનાર વાનોર ઢંગ વગરના મગર. બનાવટી કીડા અન માથાભારે જુવા. ટોળકી વાળા જિરાફ અન સુંવાળા બિલાડા. તે દિસી દરેક જાતના જાનવર પરમેશ્વરની બનવાત. અન સાંજ અન સવાર હૂયનાં, છઠ્ઠા દિસ.




10

પરમેશ્વરની આજું દુસરાં હીં કામ છઠ્ઠા દિસી કેં - જીં ખુબ મહત્વના હતાં. માણસ ને માટે આખાં તયેર હતાં. ખેતર માં અનાજ અન જાનવર સેવા કરુલા હતાંત. અન પરમેશ્વરની સાંગાં, “ચલા આપલે માનુસલા આપલે જીસાં બનવું. તેલા આખી દુને વર રાજ કરું દે.” તાંહાં પરમેશ્વરની માનુસલા તેને જીસાં બનવાં: દેવ ને પ્રતિમા જીસાં તેની તેલા બનવાં...



11

પરમેશ્વરની આદમ લા સાંગાં. “તુલા વાડી માહુન જીં ખાવલા મન હુય તીં ખાય જો. પન ખરાં-ખોટાં જાણકાર વાળાં ઝાડના ફળ નોકો ખાસીલ. જો તું તે ઝાડ માહુન ખાસીલ ત તું ખરીજ મરી જાસી.”



12

અન પરમેશ્વર દેવ ની સાંગાં, “ગોહો એખલા જ રહ તીં બેસ નીં સાંગાય જ. માં તેને માટે મદદ કરનાર બનવીન.” પરમેશ્વર આખાં પક્ષી અન આખાં ઢોર આદમ પાસી લી આના. આદમ નીં તેહના આખે સાં નાંવ થેવાંત. તીસાં કરુલા તો ખુબજ બુદ્ધિવાળા દેખાયના હવા. પન આખે પક્ષી અન જાનવર માહુન આદમ ને સાટીં યોગ્ય ભાગીદાર ની દેખાયનાં.



13

પરમેશ્વરની આદમ લા ભર નીજમાં ટાકાં. તેની નીજેલ ગોહો ની એક હાડકી કાડી અન તે આદમ ની હાડકી માહુન બાયકો બનવી. જી બાયકો બનવી તી આદમ સાટીં એકદમ બેસ ભાગીદાર નીવડની..



14

પરમેશ્વરની છ દિસ માં આખાં જ બનવાં.
માગુંન પરમેશ્વરની સાતમા દિસ લા આશીર્વાદ
દીદા અન આરામ ના દિસ બનવાં. એદન વાડી
માં આદમ અન તેની બાયકો બેસ કરી ખુશ માં
દેવ લા માન દીની જગ હતાંત. દેવ જ તેહના
પરમેશ્વર હતાં, તેહના પુરા પાડનાર
અન તેહના દોસ્તાર.



15

જદવ પરમેશ્વરની આખાં બનવાં
પરમેશ્વરને વચન, બાઇબલ માહુન ગોઠ,

માહુન મીળી યેહે

ઉત્પત્તિ: ૧-૨

“તુમને શબ્દના મેળાપ (બોલુલા) ઉજેડ દેહે.”
ગીતશાસ્ત્ર ૧૧૯:૧૩૦

પરમેશ્વર જાણહ કા આપલે ખરાબ કામ કેહેંત,
જેલા તો પાપ સાંગહ. પાપના દંડ તો મરણ આહા.

રમેશ્વર આપાવર ખુબ પ્રેમ કરહ તાહાં તેની તેના પોસા
ઈસુ દવાડા જો કુરુસ વર આપલે દંડ માટે મરણ પામના.
ઈસુ જીવતા આહા અન સરગમાં ચડી ગે. આતાં
પરમેશ્વર આપલા પાપ માફ કરી દીલ.

જો તુમી તુમને પાપ માહુન ફિરુલા માગતાહાંસ ત દેવલા
ઈસાં સાંગાં: વ્હાલા દેવ માં વિશ્વાસ કરાહાં કા ઈસુ માને માટે
મરણ પામના અન આજુ જીવતા આહા. ખરેખર માને જીવનમાં
યે અન માના પાપ માફ કરી દે કા માલા નવાં જીવન મીળ
અન તુને હારી અનંતજીવન સુધી રહાં. તુને માટે તુના પોસા
જીસાં રહુલા મદદ કર. આમીન. યોહાન ૩:૧૬

બાઇબલ વાંચા અન દેવ હારી દરરોજ ગોઠ લાવા!